

Universitäts- und Landesbibliothek Tirol

Franz Schweyger's Chronik der Stadt Hall

Schweyger, Franz

Innsbruck, 1867

Durchzug wälsch kryegsvolkh

sent glegen. Am 13. Augusti ist dis kriegsvolkh wider verruckht 1552 auf Rattenberg, volgents dem kayser irem herrn zue.

Durchzug wälsch kryegsvolkh.

Am 15. Augusti am tag Assumptionis Mariae sent mer zu Hall ankumen, so auch in kays. majestät besoldung seind graist über Malser Haidt (wie oben pmelt die Spännier), wälsch kriegsvolkh zue fuess, seint gschätzt worden sambt dem tross (aber gar wenig weiber) pey 7000, der rechte soldatu seint 15 fännl fuessvolkh. Ier öbrister margess von Müss oder Mayorann. Diss kriegsvolkh ist vor der stat gelegen an der undern lenndt. Man hat inen hüttnen auffgmacht, darin sy gelegen sint, sambt den arzkastnen daselbst, auch glasshüttu und lendthauss. Man hat ynen aus der stat profannt, als prott, wein, fleisch umb ain wol-failn pfennig müessen geben, des dan gmaine statkamer den schaden hat müessen leydn, wie mit den vormeltn kriegsvolkh. Sent am 16. Augusti zu morgens wider verruckht und durch die stat zogen auff Rattenberg zue, volgentz dem kayser ins Pairlandt zue, nachmals auf die stat Metz zu.

Durchzüg der Spännier.

Am 17. August seint widerumb ankumen zu Hall, auch der vorgeanntn weg graist 4 fännle Spänier zue fuess, seint übernacht an der undern lendt in ärztkastnen gelegen. Man hat yn aus der stat profant zuegeführt, haben aber nicht darfür bezalt, haben anzeigt, sy haben kain gelt, haben auch kain öbristn ghabt, als die 4 hauptleüth und femndrich. Zu morgens frue auf 6 scheffn hinab gefaren auff Rosshaim, volgents dem kayser Carl, irem herrn zue, ir tross sambt den rossu auff dem landt hin.

Argoley.

Es ist vormals am 4. Augusti zu Innsprugg durch des kayzers verordnete gmustert worden 4000 ross, der Argoley zuegehörig, so das vormelt gschitz und andere kriegsristung dem kaiser zuegehörig aus dem landt haben gfüert auf Metz zu.

Teütsch kriegsvolkh in Ungern.

Am 1. Séptembris ist zu Haal ankumen 9 fännle landtsknecht, so angnumen sent worden von der kgl. majestät Ferdinand im Schwarzwaldt, Preissga, Heggau, am Podensee, auch zu